


GO BEA MATIKONE

 Gomme, ke gore, gore sa pele ke go bea matikone tsoko ka kerekeng. Gomme kereke ya rena ye nnyane mo e ikeme. Ga e ne e ka ba kereke efe ya leina goba le ge e ka ba eng go romela matikone a yona, e kgetha matikone a yona mong. E kgetha modiša wa yona, e kgetha bahlokomelaphahlo ba yona, e kgetha se sengwe le se sengwe seo se tlogo ka gare le ka ntle ga kereke. Ga go motho yo motee a nago le go bolela bjalo godimo ga le ge e ka ba eng, ke kereke. Gomme kereke ke bao ba tlogo le go thekga kereke ka bogona bja bona, ka karolo ya lesome le meneelo ya bona, ka mehla ke bona ba ba nego le polelo bjalo ya semolao go beeng ba babjalo.

² Gomme ke nyaka go leboga poto ya matikone ya go feta, gomme ke e bolela go tšwa mo bakeng sa kereke yohle. Ge e ka ba bangwe ba baena bao ba le mo, e bego e le Ngwanešu Cox, Ngwanešu Fleeman, le Ngwanešu Higginbotham le Ngwanešu Deitzman, ba re file tirelo ye botse, ba fa Morena, ka go tabarenekele ye.

³ Gomme ka mehla nako ye nngwe le ye nngwe, go ya ka melao selegae ya kereke, ngwaga ka ngwaga, matikone goba bahlokomelaphahlo ka go itiragalela ba tlatša ya bona. Gomme ge ba nyaka go tla morago, go lokile. Ge ba sa nyake go tla morago, gona ba ka kgona go bea ba bangwe ka mafelong a bona, gore poto ye e itokolotše.

⁴ Gomme bošego bjo bongwe ke biditye poto ya bahlokomelaphahlo, mo go nale poto ye mpsha ya bahlokomelaphahlo. Ke lemogile Ngwanešu Luther McDowell mo bošegong bjo, re thabile go mmona ka gare, yoo a kilego a ba go poto ya bahlokomelaphahlo. Ke ile tlase beke ye go hwetša ntle le go hloidiša dikhopi tša diswantšho tše di dirilwego, tše di tla neelwago kereke, le tšona. Gore bahlokomelaphahlo ba kereke bjale ke Ngwanešu William Morgan, Ngwanešu Mike Egan, le Ngwanešu Banks Wood, le Ngwanešu Roy Roberson. Gomme bona bohle ke ba toropokgolo ye, ntle Ngwanešu Roy Roberson yo a dulago gare ga ditoropokgolo tše pedi. Morena o bone go swanetše ka go banna bao, gomme ba bile banna ba go hlomphega, gomme bjale ba amogetše mošomo wa bahlokomelaphahlo wa kereke ye.

⁵ Gomme ge kopano ye e sa tšwelapele, gomme ke boditšwe ke mothuša modiša gore re, kgetha poto ye mpsha ya matikone, gore ba ba diretše nako ya bona ntle le—le go itokolla, gomme e be e le go kgetha matikone a mangwe gape. Bjale, kereke . . . Tsela ye ye e dirwago, ke, poto e ka hlaola matikone, monna

yo ba kopakopanego le yena le go hwetša go ba monna wa go hlomphega le go loka.

⁶ Ofisi ya letikone ke ofisi ye kgolo kudu, le tlhomphe ye kgolo go Morena go ba letikone ka kerekeng. Gomme kafao, ka kopanong bošego bjo bongwe, monna yo a itšego o bileditšwe ntle go nna. Gomme ge re kopane le modiša, la go latela . . . Labohlano le la go feta, e bego e dumeletšwe ke monna yo gore ba e be e le monna wa go hlomphega le go loka.

⁷ Lesogana le letee ba bego ba le hweditše, o be a se ne maswanedi tlwa (e sego gore o be a se mohuta wa monna wa maleba), yo motee a bego a šišintšwe ke yo mongwe wa monna wa go hlomphega wa pota ya rena ya bahlokomelaphahlo. Eupša ge modiša le nna re tlile mmogo, le go botšiša mengwaga ya lesogana, o be a le mathomong a bomasomepedi a gagwe. Wa go hlomphega, go loka, gomme monna wa kgonthe, eupša re hweditše ntle o be a le monna yo a sego a nyala. Beibele e nyaka letikone go ba monna yo a nyetšego. O swanetše go ba monnamogatša wa mosadimogatša o motee.

⁸ Gomme ka gona monna yo mongwe a bego a le monna wa go hlomphega kudu, wa maswanedi kudu bakeng sa mošomo gomme a bego a ka dira monna wa go botega, bjalo ka ge ngwanešu a mo šišintše. Ka gona morago ga go nyakišiša taba, gore ngwanešu o sa tšwa go tla ka Tumelong ye kgauswana, mosadimogatša wa gagwe ga a E dumele. Ka gona seo se lahetše monna ka ntle ga ofisi. Gobane o swanetše go ba le lapa lohle la gagwe ka tlase ga taolo, gape ba swanetše go ba ka Tumelong, gobane go tla ba le thulano.

⁹ Gomme re a aga bjale, gomme re duma go bea kereke ye. Gomme bjalo ka mookamedi kakaretšo wa kereke, ke swanetše go bona gore e bolokilwe, go ya ka Mangwalo, se sengwe le se sengwe thwi godimo ga Lentšu.

¹⁰ Gomme kafao kagona, gona, e hweditšwe e amogelega go pota le modiša, le mookamedi, go hlaola ka go sehlopha se sa batho mo monna tsoko yo re mo naganago go ba monna wa go hlomphega le go loka. Re ka kgona feela go ba tliša. Gomme ke, ka gona, ba hlaolwa ke kereke, ka bouto ya bona beng. Gomme ka gona monna ba ba tla direla, ge ba ikwela gore ba tla amogela ofisi ye. Ke gona ba tla tla nako ye kopana, go bona ge eba ba ikwela gore mohlomongwe gore Modimo o ba beditše. Gomme ge moragorago, ge ba ikwela gore ga ba ne maswanedi, gona, ba ne tokelo ka go dibeke di se kae tša go latela go itokolla ofising, gore yo mongwe gape a ka kgona go hlaolwa ka go lefelo la bona.

¹¹ Le ge go le bjalo, mathomong a tsošetšo ye (ge Modimo a rata) ke ratago go e swara mo ka go tabarenekele ye ka pejana ge ke hweditše go khutšo tsoko, ka gona ke—ka gona ke. . . re tla hlomamiša matikone a ka go ba bea diatla, matikone le ramatlotlo ka kerekeng ye. Eupša pele ba swanetše go hlaolwa

le—le go bona ka fao ba o ratago le ka fao phuthego e o ratago. Ka gona ge go—ka gona ge go lokile ka mahlakoreng bobedi, ka gona re dira banna ba go ba matikone ao a hlomamišištwego, feela bjalo ka Bahlokomelaphahlo ba kgethwa ka tsela ya go swana.

¹² Ke boikemo le molao wa kereke, ka Lentšu la Modimo. Kagona, bao, ba ka se no kgona go re “Ke a nagana monna yo e tla ba monna wa maleba,” seo ga se sona, “Ngwanešu Neville o nagana monna yo e tla ba monna wa maleba,” goba “poto ya bahlokomelaphahlo e a nagana monna yo e tla ba monna wa maleba.” E swanetše go ba ka kereke! Ga go yo a dirago le ge e ka ba eng ka gare ga gagwe yenamong mo. Ke bouto ya kereke. Ke kereke ye e ikemego.

¹³ Sete ya kgale ya melao ya selagae e ile ya sengwa ka go mafula a 1937. Re kopolotšegape yela, gomme e tla fegwa lebotong mo ka pejana, mešomo ya bahlokomelaphahlo, matikone, boramatlotlo, le go ya pele, modiša, badirišani, le go ya pele.

¹⁴ Ka mogau wa Modimo, go boletšwe go nna, gomme lekgolo letee la phesente ya bouto ka poto ya kereke ye, gore ba hweditše gore Ngwanešu Hollin Hickerson ke wa go loka, monna wa go hlomphega, gomme ka mothalong ka go maemo a go amogela tlh—tlh tlhompho ye kgolo ya go ba letikone la tabarenekele ye e boletšwego.

¹⁵ Gape, re hweditše, le ka bouto ya poto, gore Ngwanešu Collins gape o hweditšwe go ba monna wa go hlomphega le go loka. Ka go ba modiredi, yenamong, kafao re tla mo kgopela go tla go ba le—le letikone la kereke; gomme e sego letikone feela, eupša modirišani wa Ngwanešu Neville, gomme mohlomongwe go klase ya sekolo sa Lamorena, goba go tšea lefelo la Ngwanešu Neville, goba e ka ba eng e bitšwago go yena go ba modirišani go Ngwanešu Neville. Yoo ke Ngwanešu Collins.

¹⁶ Gomme, gape, kereke e hweditše, ka go thekgwa, gore Ngwanešu Tony Zabel, ke monna wa go hlomphega le go loka, gomme o thekgilwe pele ga poto ya bahlokomelaphahlo le badiša, go mo kgopela go amogela ofisi ya letikone ka go tabarenekele ye e boletšwego.

¹⁷ Gomme gape go kgopetšwe, le go hwetšwa monna wa go hlomphega magareng ga rena. . . (E sego. . . ba e sego monna a nnoši wa go hlomphega, bjale, eupša o nno hlaolwa ke poto.) Ngwanešu Taylor go tšwa Henryville, goba Memphis, ke a dumela ke gona, Memphis, Indiana. O bile le rena nako ye e itšego, a šoma bjalo ka mmeagae le e ka ba eng e bego e kgona go ba. Gore kereke e hweditše thekgo ka yena, goba poto le badiša, gore o tla amogela o—o ofisi ye kgolo bjalo ka go ba letikone la tabarenekele ye e boletšwego.

¹⁸ Gomme gape go kgopetšwe gore mokgonyana wa Ngwanešu Mike Egan, Ngwanešu—Ngwanešu Bob Harned, o hlaotšwe

ke potole badiša, go amogela ofisi bjalo ka ramatlotlo wa tabarenekele ye e boletšwego, e lego mošomo wa go hlomphega, gomme o nyaka toka le tlhompho.

¹⁹ Go direng se, ke a nagana, baena ba ka, gore go le bitša go tšwa mo, gore e tla ba tlhompho ye kgolo go lena. Gomme e sego yeo feela, eupša se sengwe go dira.

²⁰ Ka nako ye ke tla ba le Ngwanešu Neville, modirišani le rena, go bala dinyakwa tša letikone. Ngwanešu Neville, ge o ka se bala go tšwa go Lentšu la Modimo. [Ngwanešu Neville o bala Timotheo wa Pele 3:8-13—Mor.]:

Ka mokgwa o bjalo le matikone e be lebitla, e sego ba malememabedi, e se be ba ba ineetšego beine ye ntši le bojato bja bobapu bja ditšhila;

Ba go swara sephiri sa tumelo ka go letswalo la go seka.

Gomme a nke bao gape ba lekolwe pele; morago a ba šomiše ofisi ya letikone, ba hwetšwe ba se ne bosodi.

Ebile le basadibagatša ba bona e be lebitla, e sego bagarigari, ba hlapogelwe, ba botege dilong tšohle.

A matikone e be bannabagatša ba mosadi o motee, ba go buša bana le ntlo ya bona beng gabotse.

Ka gobane ba ba šomišitšego ofisi ya letikone gabotse ba ithekela bonabeng bogolo bjo bobotse, le bogale bjo bogolo ka go tumelo ye e lego ka go Kriste Jesu.

²¹ Amene. Ke tla rata ka nako ye go kgopela baena ba ba biditšwego, ge ba ka no sepelela pele mo sefalong nakwana feela. Gomme ge re inamiša dihlogo tša rena lebakana feela bakeng sa thapelo, ke ba nyaka . . . Gomme kereke e tsebe se, gore ye ke kgetho ya potole ya matikone a lena le ramatlotlo wa lena.

²² Morena Jesu, ke ka wa go hlapogelwa, monagano wa bomodimo gore re tle go Wena bjale. Re tla ka ditlhompho tša Lentšu La Gago Le Lekgethwa Kudukudu, re tla re dumela gore “Anke lentšu la motho yo mongwe le yo mongwe e be phošo, eupša la Modimo e be therešo.” Gomme re thabela Wena bakeng sa Kereke ye yeo Jesu a e rekilego ka Madi a bohlokwa a Gagwe Mong, le go re fa moago wo go rapelela ka go wona.

²³ Gomme bjalo ka baokamedi ba mohlape wo mogolo wo, woo Moya wo Mokgethwa o re beetšego go ba, re a leka bjale go neela go phuthego ye sa go botega, sa go loka sehlopha sa monna se re dumelago go be se tladišwe ka Moya le go ba komana bakeng sa ofisi. Bjalo ka ge go ile gwa bolelwa mabapi le potole ya matikone, “Eyang le lebelele ntle magareng ga lena, monna wa ditumo tše botse le wa Moya wo Mokgethwa, gore ba tle ba direle ka mokgwa wo, go hlokomela bahlologadi le ditšhuana, go abaganya tšhelete, le go hlokomela ditaba tša kereke.” Moragorago ka mengwageng, re sa tšwa go bala sengwalwa sa

yo mogolo yola, wa go šušumetšwa, mokgethwafatšwa Paulo, yo a beilego pele pego ya Mangwalo ya dinyakwa tša maemo a mabjalo.

²⁴ Modimo, hlompha monna ba. Gomme bjale ke kgetho, Morena, bjalo ka kereke ya go ikema, bjalo ka mmele wa Morena Jesu, gore ba dira kgetho. Gomme [Ga go selo godimo ga theipi—Mor.] . . . gomme re tla šupetša karolo ye ya tirelo ka tsela ya go ikgetha, ka go lela la go loka le le lekgethwa Leina la Jesu.

²⁵ Bjale ka dihlogo tša rena di inamile, e sego feela dihlogo tša rena eupša dipelo tša rena, gomme bjalo ka leloko le lengwe le le lengwe la kereke ye, le le tlogo mo ka mehla go e thekga ka karolo ya lesome ya gago le meneelo, o tšewago go ba leloko la kereke ye, ge modiša le nna, re nnoši, re lebelela, modiša modirišani, Ngwanešu Neville, le nna re lebeletše, ke tla botšiša ge eba kereke ye e hwetša Ngwanešu Taylor go ba monna wa go loka le go swanela, ka go nagana ga lena go go kaonekaone, go ba letikone godimo ga sehlopha se sa batho? O tla laetša sa go swana ka go phagamiša seatla sa gago. [Ngwanešu Branham o a khutša—Mor.] Go lokile. Bjale ge go ne kganetšo e ka ba efe, a o ka phagamiša seatla sa gago. [Ngwanešu Branham o a khutša—Mor.] Ke a le leboga.

²⁶ A e ka ba yo mongwe wa maloko a kereke ye mo a hwetša . . . le bohle, a le hwetša Ngwanešu Hollin Hickerson go ba monna wa go loka le go hlomphega, le monna yo a hwetšago ka mahlong a lena go swanela go ba letikone la kereke ye e boletšwego? A o ka laetša ka go phagamiša seatla sa gago se setona. [Ngwanešu Branham o a khutša—Mor.] Ge go le kganetšo, gona phagamiša seatla sa gago. [Ngwanešu Branham o a khutša—Mor.]

²⁷ A phuthego ye e hwetša Ngwanešu Collins go ba wa go swana, monna wa go loka le go hlomphega, le go swanela mošomo wa go ba letikone la kereke ye? A o ka phagamiša seatla sa gago. [Ngwanešu Branham o a khutša—Mor.] Go lokile. Kganetšo, a o phagamiša seatla sa gago. [Ngwanešu Branham o a khutša—Mor.]

²⁸ A phuthego ye e hwetša Ngwanešu Tony Zabel go ba monna wa go hlomphega le go swanela wa ofisi ye, go ba letikone godimo ga mohlapo wo ka kerekeng ye e boletšwego? A o ka phagamiša seatla sa gago se setona. [Ngwanešu Branham o a khutša—Mor.] Kganetšo, a o ka phagamiša seatla sa gago. [Ngwanešu Branham o a khutša—Mor.]

²⁹ A phuthego ye e ikwela gore Ngwanešu Harned ke monna wa toko le go loka, yo a bilego le rena nako tsoko, go ba ramatlotlo, mongwaledi ramatlotlo wa kereke ye, go swara ditšhelete tša yona le go lefa dikoloto tša yona? Ge go le bjalo, phagamiša seatla sa gago se setona. [Ngwanešu Branham o a khutša—Mor.] A go ne kganetšo e ka ba efe, phagamiša seatla sa gago se setona. [Ngwanešu Branham o a khutša—Mor.]

³⁰ Ke rata go bolela go ba—ba baena ba ba emego ka nako ye ya bjale, mo leotong la sefapano se, gore kereke ye, ka lekgolo le tee la phesente (ga go kganetšo le gatee), e le hwetša bohle go swanela mahlong a Modimo bakeng sa ofisi ye yeo Modimo a le bileditšego yona.

³¹ Bjale, lena, ka ge go boletšwe, “A nke ba pele ba lekwe, le go bona ge eba ba kganyoga ofisi ye.” Dibekeng di se kae, ge Modimo a rata, ke tla boa morago go bea diatla godimo ga sehlopha se sa monna, go ba dira ba semmušo bahlok- . . . goba matikone a kereke ye, le ramatlotlo.

A re inamišeng dihlogo tša rena nakwana feela:

³² Morena, re thabile bošegong bjo gore go ne monna yo a sa phelago lefaseng yo a ka kgonago go sepela bomodimo pele ga lefase; bomodimo kudu go fihla tabarenekele, ka melao ya go se fapogege bjalo ka ye e nago le yona, e kgona go boutela monna ba bahlano ka lemong bjalo ka baetapele ba bona, go hlokege bouto e tee ya kganetšo. Re ba thabetše, gomme re ikwela gore O be o ne rena go direng diphetho tše, poto le rena badiša.

³³ Modimo, šegofatša monna ba. Gomme a nke ba direle ofisi ye ka pelo yohle ya bona, go tseba gore ke go reka go bona bogolo bjo bogolo Legodimong. Letšatši le lengwe ge Dipuku tša Legodimo di tla be di tswaletšwe, anke Puku ya diphedi tša legodimo le ka go Puku ye kgolo ya Legodimo e bulwe, anke maina a bona a be lekgolo le tee la phesente pele ga Modimo le Mophološi le makoko ohle a Legodimo, go ba go swana ka go Mmušo wa Gagwe. Ba šegofatše, Morena, gomme anke ba direle ofisi ye gabotse. Ka go la Jesu Leina re leboga Wena bakeng sa bona. Amene.

³⁴ Ke no nyaka go šišinya diatla tša lena, [Ngwanešu Branham o šišinya diatla tša bona—Mor.] Ngwanešu Harned, le Ngwanešu Zabel, le Ngwanešu Collins, Ngwanešu Hickerson, le Ngwanešu Taylor. Thabile kudu go tseba gore re kopanetše nako yohle ye le monna wa go hlomphega bjalo. Modimo a le šegofatše bjale. Gomme re tla le bona go tloga bjale, ka pejana ge ke khutšitše gannyane, go tla morago, le go bona ka mo le ratago ofisi ya lena. Go lokile, ka bouto ya bona, ke a nagana e bile lekgolo le tee la phesente, ga go kganetšo le gatee.

³⁵ Oo, a ga la thaba gore le amana le batho lehono ba ba kgonago go phela pele ga Modimo, bomodimo, le go phela pele ga lefase le la bjale ka go boemo bjo? Ke selo sa go makatša.

³⁶ Gomme ke thaba kudu go tseba bošegong bjo gore ke ne monyetla wa—wa go ba le monna ba le kereke ye go ba bagwera ba ka. Ke thaba kudu gore Modimo o ntirile go kopakopana namong le Kereke ya Gagwe gohle gohle lefaseng. Oo, ba a nyatšywa le go ganwa le go boletšwa, gomme bjalo ka ge ke boletše mosong wo ka go molaetša wa ka, mohlomongwe e no ba didubaleraga, tsela ye lefase le ba lebelelago, bjalo ka “sehlopha sa mahlanga,” eupša Modimo o ba lebelela bjalo ka bana ba

Gagwe. Ke thabela seo kudu. Ba ka no se kgone go go botša ke dimaele tše kae go ya ngwedding. Ba ka no se kgone go go botša tshepedišo yohle ya letšatši le ka mo e šomago. Eupša go selo setee ba se tsebago, ba tseba iri ye ba tswetšwego gape. Ke ba thabetše kudu.

³⁷ Gomme bjalo ka seswantšho se sennyane ke e thutilego sona, gomme ke ya go se amanya bošegong bjo le basetsana ba bannyane ba ka ba babedi go se dira se tle gae go rena, go se dira sa kgonthe go rena, gore le kwešiše seo se se rago. Mosong wo mongwe, ge ke tsoga go tšwa malaong. . . Ke ne basetsana ba babedi ba bannyane. Yo mongwe wa bona ke Rebekah, gomme yo mongwe wa bona ke Sarah, gomme ke basetsana ba bannyane ba papa.

³⁸ Gomme ke ne mošemane yo monnyane, Joseph. Ke be ke e tšwa Chattanooga, go tšwa ka kopanong bošego bjo bongwe, ge ke be ke sa le kua ka go lesolo le la mafelelo. Gomme ke be ke le ka ko—ko koloing, ke eya mmogo le morwa wa ka yo mogologolo, Billy. Mosadimogatša wa gagwe le Meda ba be ba le ka koloing, le basetsana. Gomme ge re be re tokologa mmogo, ga go yo a boletšego selo lebaka la dipoloko tša toropokgolo tše mmalwa. Gomme ke be ke ripagantše batho thata bošego bjoo ka tsela ye ba bego ba dira. Gomme ga go yo a boletšego le ge e ka ba eng. Gomme Joseph yo monnyane a tla godimo le go nkubarela legetla, o rile, “Papa, ka nnete o rerile bošegong bjo!”

³⁹ Gomme mosong wo, ge ke be ke tloga le go ya godimo Eighth le Tenth Street, pe. . . goba Penn le Tenth, a ke re, ga go yo mongwe a boletšego selo, mosadimogatša le basetsana ba babedi. Gomme Joseph yo monnyane o swere legetla la ka gape, o rile, “Papa, gore, ka nnete ke ratile thero yela mosong wo,” o boletše.

Ke rile, “Gabotse, ke ne mothekgi yo motee, yoo ke morwa wa ka.”

⁴⁰ Gomme go polelo ye nnyane ya rena. Ke tsogile mosong wo mongwe, ke be ke dutše ka kamoreng, Becky yo monnyane a tla a kitimela ntle gomme, a re, a tlarallela maoto a ka gomme a bea letsogo la gagwe go ntikologa, gomme ke mosetsana yo monnyane wa papa. Gomme o be a nkgokile. Gomme Sarah yo monnyane a taboga go tšwa malaong ka pitsama ya gagwe ye nnyane gomme a, a re, a tla a kitima go latela. Ke yo monnyane wa mahlotshotwa.

⁴¹ Becky yo monnyane o rile, “Oo, Sarah, ga go bohlokwa bja gago go tla, gobane ke swere Papa gohle go nnamong. Papa wohle ke wa ka!” Gomme Sarah yo monnyane, dipounama tša gagwe tše nnyane tša petla, mahlo a gagwe a mannyane a matshotwa a pupetšega. Ke šuthile ka mokgwa *wo* le go ntšhetša ntle letolo le lengwe, gomme a tla a le tlarallela.

⁴² Becky o ne maoto a matelele, kafao a be a kgona go fihla lebatong. Sarah yo monnyane o be a abula, kafao ka bea matsogo

bobedi go dikologa Sarah. Sarah yo monnyane go lebeletše godimo go Becky le go re, “Becky, o ka no ba le Papa yohle, eupša Papa o na le nna ohle!”

⁴³ Gomme ke nagana yeo ke tsela ye go lego mo. Re ka no se tsebe thutamodimo yohle le mantšu ohle a magolo a Segerike, sehlopha se sa batho se ka no se tsebe. Eupša go ne selo se tee sa nnete, ke a dumela Jesu o ne *rena* bohle. Amene.

Go lokile, Ngwanešu Neville.



GO BEA MATIKONE NST58-0720E

(The Placing Of Deacons)

SERISI KA BOITSHWARO, TSHEPEDIŠO LE THUTO YA KEREKE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Julae 20, 1958, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org